

lésu Hòtiàu Tē It Phoe Bùntô

(Mt 4:18~22; Mk 1:16~20)

5 Ū chít pái, lésu khiā tī Genesáliat Ô píⁿ ê sī , chènglâng kheh óa khì l hia, beh thiaⁿ l kóng SiōngChú ê tōlí. ² l khòaⁿ tiòh n̄ng chiah chún tī ô píⁿ, hiahê liáhhî l̄ng l̄khui chún teh sé h̄bāng . ³ lésu beh chiūⁿ k̄tiong ê chít chiah chún (tòh sī Símgòng ê chún) , koh kiò i k̄ chún kò chhutkhì l̄khui hōaⁿ píⁿ bô gōa h̄ng ê sóchāi , tòh chē tī chún n̄h kàsī kúnchiòng.

⁴ lésu chítē kóng soah , tòh k̄ Símgòng kóng , “K̄ chún kò khì khah chhim ê sóchāi , pha bāng lòhkhì liáh h̄i.”

⁵ Símgòng ìn l kóng, “Lāusu ah , goán íkeng lôkhó kui mê , lóng liáh bô pòⁿ bóa h̄i, m̄ koh, k̄jiân lí áⁿne kóng, góa tòh lâi pha bāng .” ⁶ In bāng chítē pha lòh khì, tòh bāngtiòh chin chē h̄i, t̄isú in ê h̄bāng soah kiông beh phòakhì. ⁷ In tòh iat chiú kiò lēnggōa hit chiah chún ê liáh h̄i phōaⁿ lâi k̄ in tàukhachhiú . In lâi liáuāu , n̄ng chiah chún h̄i lóng chng kah móamóa , soah kiông beh t̄im lòh khì . ⁸ Símgòng Peteloh khòaⁿ tiòh áⁿne, tòh k̄i lòhkhì lésu ê kha chēng , kóng, “Chú ah, chhiáⁿ Lí l̄khui góa, inūi góa sī chōej̄in.”

⁹ Símgòng kah i ê tângphōaⁿ , lóng t̄ui in chítē pha bāng tòh liáh tiòh h̄ iah chē h̄i , kámkak huisiōng tiòhkiáⁿ. ¹⁰ Símgòng ê tângphōaⁿ, iā tòh sī Chebehtái ê kiáⁿ lâkop kah lôháneh mā tōa tiòhkiáⁿ. lésu k̄ Símgòng kóng, “M̄ bián kiáⁿ, t̄ui chit má khí, lí ē chhinchhiūⁿ liáh h̄i áⁿne , ínchhōa l̄ng lâi s̄n SiōngChú.”

¹¹ In chít c hiūⁿ hōaⁿ , tòh p̄nghā itchhè , lâi kintòe lésu.

lésu l Hó Bâhong Pēⁿ ê Lâng

(Mt 8:1~4; Mk 1:40~45)

¹² Ū chít j̄it, lésu tī chítē siáⁿ n̄h , tī hia túhó ū chítē bâhong pēⁿ thòaⁿ kah kui sengkhu ê l̄ng . l

耶穌呼召第一批門徒

(太 4:18~22 ; 可 1:16~20)

5 有一 pái, 耶穌 khiā tī 革尼撒勒湖邊 ê 時, 眾人 kheh óa 去 祂 hia, beh 聽 祂 講 上 主 ê 道理。 ² 祂 看 tiòh 兩隻船 tī 湖邊, hiahê 掠魚人離開船 teh 洗漁網。 ³ 耶穌 beh chiūⁿ 其中 ê 一隻船 (tòh 是西門 ê 船), koh 叫伊 k̄ 船 kò 出去離開岸邊無 gōa 遠 ê 所在, tòh 坐 tī 船裡教示群眾。

⁴ 耶穌 一下 講 soah, tòh k̄ 西門 講: 「K̄ 船 kò 去 khah 深 ê 所在, 拋網落去掠魚。」

⁵ 西門 應 祂 講: 「老師 ah, 阮 已經 勞苦 kui 暝, lóng 掠無半尾魚, m̄ koh, 既然你 áⁿne 講, 我 tòh 來 拋網。」 ⁶ In 網 一下 拋落去, tòh 網 tiòh 真 chē 魚, 致使 in ê 漁網 soah 強 beh 破去。 ⁷ In tòh iat 手 叫 另外 hit 隻船 ê 掠魚伴來 k̄ in tàu 腳手。 In 來了後, 兩隻船魚 lóng 裝 kah 滿滿, soah 強 beh 沉落去。 ⁸ 西門 彼得 看 tiòh áⁿne, tòh 跪落去 耶穌 ê 腳前, 講: 「主 ah, 請 祢 離開我, 因為我是罪人。」

⁹ 西門 kah 伊 ê 同伴, lóng 對 in 一下 拋網 tòh 掠 tiòh hiah chē 魚, 感覺非常 tiòh 驚。 ¹⁰ 西門 ê 同伴, 也 tòh 是西庇太 ê kiáⁿ 雅各 kah 約翰 mā 大 tiòh 驚。 耶穌 k̄ 西門 講: 「M̄ 免驚, t̄ui chit má 起, 你 ē 親像掠魚 áⁿne, 引 chhōa 人來 信上主。」

¹¹ In 一 chiūⁿ 岸, tòh 放下一切, 來跟 tòe 耶穌。

耶穌醫好癱瘋病 ê 人

(太 8:1~4 ; 可 1:40~45)

¹² 有一日, 耶穌 tī 一个城裡, tī hia tú 好有一个癱瘋病炭 kah kui 身軀 ê 人。伊 一下 看 tiòh 耶

chitê khòaⁿ tiòh lésu, tòh phak lòhkhì thô kha, kiú I kóng, “Chú ah, Lí nā khéng, Lí tòh ē tàng i hó góa ê pēⁿ.”

13 lésu tòh chhun chhiú ká i bong, kóng, “Góa tongjiân khéng. Hō lí hó khì.” Hitê lâng ê bâhong pēⁿ tòh súsí hó khì . 14 lésu hoanù i kóng, “M̄ thang ká pátlâng kóng chit hāng t āichì, m̄ koh, lí tiòh khì hō chēsì giām, mā tiòh khì hiàn Mōse số kuitēng ê chèphín, thang tùì chēnglâng chēngbēng lí íkeng hó khì à.”

15 lésu ê miâsiaⁿ jú lâi jú tháu , ū kui tōatīn lâng chūchíp óa lâi, ài beh thiaⁿ I kángtō, mā ài in ê pēⁿ tit tiò h itī. 16 M̄ koh, lésu tiāⁿtiāⁿ thèkhì phianphiah ê sốchāi, tī hia kító.

lésu I Hó Piànsūi ê Lâng

(Mt 9:1~8; Mk 2:1~12)

17 Ū chit jlt, lésu tng teh kàsī lâng ê sí , ū chítkóa Hoalísái Phài ê lâng kah lúthoatkàusu mā tī hia teh chē, in sī tùì Galílaiah kah lúthài tēkhu ê kok chngthâu, íkíp Êlúsalem lâi ê. Chú ê koánlêng kah lésu tôngchāi, hō I i hó pēⁿlâng . 18 Hit sí, ū chítkóa lâng ēng chhngphó kng chitê piànsūi ê lâng lâi, siūⁿ beh ká i kng jìpkhì chhùlāi, khng tī lésu bīnchēng. 19 M̄ koh, inūi lâng chin chē, soah bô hoattō kng jìpkhì , in tòh ká i kng khílih chhùténg, thiah khui chhùhiā, koh ká piànsūi ê lâng liân chhngphó lūi lòhkhì chēnglâng tiongkan, khng tī lésu bīnchēng. 20 lésu chitê khòaⁿ tiòh in chiahnih ū sīnsim, tòh ká piànsūi ê lâng kóng, “Pēngiú ah, lí ê chōe íkeng tit tiòh siàbián à.”

21 Hiahê kenghák kàusu kah Hoalísái Phài ê lâng tòh khaisí gīlūn kóng , “Chitê teh siattók SiōngChú ê, kiùkèng sī siáⁿlâng? Túliáu SiōngChú ígōa, siáⁿlâng ē tàng sià chōe?”

22 lésu chai in teh gīlūn siáⁿmlh , tòh tùì in kóng, “Lín simlāi ná ē teh siūⁿ chit khoán tāichì? 23 Kóng, ‘Lí ê chōe tit tiòh siàbián à’, á sī kóng, ‘Lí

穌, tòh phak 落去土 kha, 求祂講：「主 ah, 祢若肯, 祢 tòh ē tàng 醫好我 ê 病。」

13 耶穌 tòh 伸手 ká 伊摸, 講：「我當然肯。Hō你好去。」Hitê 人 ê 癲瘋病 tòh 隨時好去。 14 耶穌吩咐伊講：「M̄ thang ká 別人講 chit 項 tāichì, m̄ koh, 你 tiòh 去 hō 祭司驗, mā tiòh 去獻摩西所規定 ê 祭品, thang 對眾人證明你已經好去 à。」

15 耶穌 ê 名聲 jú 來 jú tháu, 有 kui 大陣人聚集 óa 來, ài beh 聽祂講道, mā ài in ê 病得 tiòh 醫治。 16 M̄ koh, 耶穌 tiāⁿtiāⁿ 退去偏僻 ê 所在, tī hia 祈禱。

耶穌醫好半遂 ê 人

(太 9:1~8; 可 2:1~12)

17 有一日, 耶穌 tng teh 教示人 ê 時, 有一 kóa 法利賽派 ê 人 kah 律法教師 mā tī hia teh 坐, in 是 tùì 加利利 kah 猶太地區 ê 各庄頭, 以及耶路撒冷來 ê. 主 ê 權能 kah 耶穌同在, hō 祂醫好病人。 18 Hit 時, 有一 kóa 人用床鋪扛一个半遂 ê 人來, 想 beh ká 伊扛入去厝內, khng tī 耶穌面前。 19 M̄ koh, 因為人真 chē, soah 無法度扛入去, in tòh ká 伊扛起 lih 厝頂, 拆開厝瓦, koh ká 半遂 ê 人連床鋪 lūi 落去眾人中間, khng tī 耶穌面前。 20 耶穌一下看 tiòh in chiahnih 有信心, tòh ká 半遂 ê 人講：「朋友 ah, 你 ê 罪已經得 tiòh 赦免 à。」

21 Hiahê 經學教師 kah 法利賽派 ê 人 tòh 開始議論講：「Chitê teh 褻瀆上主 ê, 究竟是啥人? 除了上主以外, 啥人 ē tàng 赦罪?」

22 耶穌知 in teh 議論啥物, tòh 對 in 講：「Lín 心內 ná ē teh 想 chit 款 tāichì? 23 講：『你 ê 罪得 tiòh 赦免 à』, á 是講：『你 peh 起來行』, tó 一

peh khí-lâi kiâⁿ, tó chít hāng khah kántan ? 24 Góa beh hō lín chai, Jínchú tī tēchiūⁿ ū sià chōe ê koānpèng.” Sǒi, Iésu tòh kā hitê piànsūi ê lāng kóng, “Góa hoanhù lí: Khí lâi, giâ lí ê chhngphó , trngkhì lín chhù!”

25 Hitê lāng sūisí tī chēnglāng bīnchēng khiā khí lâi, giâ khí i teh tó ê chhngphó , ná oló SiōngChú, ná kiâⁿ trngkhì in chhù. 26 Chēnglāng lóng chin tiòhkiáⁿ . In simlāi chhiong móa kèngùì, oló SiōngChú kóng, “Kin'ájit, goán ū khòⁿ tiòh huisióng kíbiāu ê tãichì.”

lésu Hōtiàu Lēbī

(Mt 9:9~13; Mk 2:13~17)

27 Chiahê tãi-chì liáuāu, Iésu chhutkhì, khòⁿ tiòh chítê thiusòe ê lāng , kiòchò Lēbī, chē tī sòekoan teh pānkong. Iésu tòh kā i kóng, “Lâi tòe Góa!” 28 Lēbī tòh khiā khí lâi, pānghā itchhè, tòe Iésu khì. 29 Jiānāu, Lēbī tī in chhù , ūi Iésu kípān sēngtāi ê iànsék, tī hia ū chin chē thiusòe ê lāng kah kitha ê lāng kah Iésu chòhóe chētoh. 30 Ū chít kóa Hoalísái Phài ê lāng kah siók in hit phài ê kenghák kàusu tùi Iésu ê buntō kauhkauh liām , kóng, “Lín ná ē kah thiusòe ê lāng íkip chōejīn chòhóe limchiáh?”

31 Iésu ìn in kóng, “Kiānkong ê lāng bô khiàm iōng iseng , m̄ koh , ū pēⁿ ê lāng tòh ū suiàu. 32 Góa lâi sèkan ê bóktek m̄ sī beh chio gīlāng, sī beh chio chōejīn, lâi hō in hóekái.”

Koanhē Kimchiáh ê Buntê

(Mt 9:14~17; Mk 2:18~22)

33 Ū lāng tùi Iésu kóng, “lôhāneh ê buntō putsí teh kimchiáh kító, Hoalísái Phài ê buntō mā sī áne ; m̄ koh , Lí ê buntō khiok putsí teh limchiáh.”

34 Iésu kā in kóng, “Chhamka huniàn ê

項 khah 簡單? 24 我 beh hō lín 知, 人子 tī 地 chiūⁿ 有赦罪 ê 權柄。」所以, 耶穌 tòh kā hitê 半遂 ê 人講:「我吩咐你: 起來, giâ 你 ê 床鋪, trng 去 lín 厝!」

25 Hitê 人隨時 tī 眾人面前 khiā 起來, giâ 起伊 teh 倒 ê 床鋪, ná oló 上主, ná 行 trng 去 in 厝。 26 眾人 lóng 真 tiòh 驚。In 心內充滿敬畏, oló 上主講:「今 á 日, 阮有看 tiòh 非常奇妙 ê tãichì。」

耶穌呼召利未

(太 9:9~13 ; 可 2:13~17)

27 Chiahê tãi-chì 了後, 耶穌出去, 看 tiòh 一个抽稅 ê 人, 叫做利未, 坐 tī 稅關 teh 辦公。耶穌 tòh kā 伊講:「來 tòe 我!」 28 利未 tòh khiā 起來, 放下一切, tòe 耶穌去。 29 然後, 利未 tī in 厝, 為耶穌舉辦盛大 ê 宴席, tī hia 有真 chē 抽稅 ê 人 kah 其他 ê 人 kah 耶穌做伙坐桌。 30 有一 kóa 法利賽派 ê 人 kah 屬 in hit 派 ê 經學教師對耶穌 ê 門徒 kauhkauh 唸, 講:「Lín ná ē kah 抽稅 ê 人以及罪人做伙 lim 食?」

31 耶穌應 in 講:「健康 ê 人無欠用醫生, m̄ koh, 有病 ê 人 tòh 有需要。 32 我來世間 ê 目的 m̄ 是 beh 招義人, 是 beh 招罪人, 來 hō in 悔改。」

關係禁食 ê 問題

(太 9:14~17 ; 可 2:18~22)

33 有人對耶穌講:「約翰 ê 門徒不時 teh 禁食祈禱, 法利賽派 ê 門徒 mā 是 áne ; m̄ koh, 祢 ê 門徒卻不時 teh lim 食。」

34 耶穌 kā in 講:「參加婚宴 ê 人客, 新郎 iáu

lângkeh, sinlông iáu kah in chòhóe ê sî , in kám ē kìmchiáh? tongjiân bē. 35 M̄ koh, jitchí teh beh kàu à, sinlông ē tùì in tiongkan hō lāng liáh khì , hit sî, in tòh ē kìmchiáh.”

36 Iésu koh ēng chit ê phijū kā in kóng, “Bô lāng ē tùì sin saⁿ lih chit tè pò lāi pó kū saⁿ , inūi nā áne chò , i m̄ nā ē liphòà hit niá sin saⁿ , jíchhiáⁿ só pò ê hit tè sin pò m̄ kah kū saⁿ bē háh. 37 M̄ bô lāng ē kā sin chiú té tī kū phòe tē’á lāi, inūi nā áne chò , sin chiú ē hō kū phòe tē’á piak phòakhì, chiú tòh ē lâu chhutlāi , phòe tē’á m̄ ē súnhāi khì. 38 Sói, sin chiú ittēng tiòh té tī sin phòe tē’á. 39 Lāng nā lim kū chiú liáuāu , tòh bô ài lim sin chiú, inūi in ē kóng, ‘Kū chiú khah hó.’”

kah in 做伙 ê 時 , in kám ē 禁食 ? 當然 bē 。 35 M̄ koh , 日子 teh beh 到 à , 新郎 ē tùì in 中間 hō 人掠去 , hit 時 , in tòh ē 禁食 。 」

36 耶穌 koh 用一個譬喻 kā in 講 : 「 無人 ē tùì 新衫裂一塊布來補舊衫 , 因為若 áne 做 , 伊 m̄ nā ē 裂破 hit 領新衫 , 而且所補 ê hit 塊新布 m̄ kah 舊衫 bē háh 。 37 M̄ 無人 ē kā 新酒貯 tī 舊皮袋 á 內 , 因為若 áne 做 , 新酒 ē hō 舊皮袋 á piak 破去 , 酒 tòh ē 流出來 , 皮袋 á m̄ ē 損害去 。 38 所以 , 新酒一定 tiòh 貯 tī 新皮袋 á 。 39 人若 lim 舊酒了後 , tòh 無 ài lim 新酒 , 因為 in ē 講 : 『 舊酒 khah 好 。 』 」